



Tuzla, Franjevačka 36, tel.: +387 35 30 06 00, fax: +387 35 27 53 73, e-mail: info@zzotk.ba

Broj: 04-11-10-1406-13-2/21 – ES/SA
Tuzla, 02.02.2022. godine

Na osnovu člana 53. stav (6) Zakona o javnim nabavkama ("Službeni glasnik BiH", broj: 39/14) i člana 12. Statuta Zavoda zdravstvenog osiguranja Tuzlanskog kantona ("Službene novine TK", broj: 4/16), a u vezi sa Zaključkom Ureda za razmatranje žalbi BiH broj: JN2-01-07-1-3612-5/21 od 19.01.2022. godine, donosi se sljedeća

O D L U K A **o izmjeni Javnog poziva**

za dostavu ponuda za ugovaranje bolničke zdravstvene zaštite za 2022. godinu

Član 1.

U Javnom pozivu za dostavu ponuda za ugovaranje bolničke zdravstvene zaštite za 2022. godinu, broj: 04-11-10-1406-13/21 – BA/ES od 09.12.2021. godine, mijenja se tačka 3. i ista glasi:

„Procijenjena vrijednost nabavke iznosi 96.784.382 KM.

Ukoliko u toku godine dođe do potrebe za dodatnim finansiranjem zdravstvene zaštite iz Programa, a Zavod raspolaže dodatnim sredstvima, ugovorena naknada može se promijeniti u skladu sa promjenom vrijednosti boda.

Procijenjena vrijednost nabavke se odnosi na period 01.01.-31.12.2022. godine, dok će se ugovor zaključiti na iznos sredstava koji je srazmjernan periodu trajanja ugovora.“

Član 2.

U Javnom pozivu za dostavu ponuda za ugovaranje bolničke zdravstvene zaštite za 2022. godinu, broj: 04-11-10-1406-13/21 – BA/ES od 09.12.2021. godine, mijenja se tačka 12. i ista glasi:

„Javni poziv biti će otvoren do 09.02.2022. godine, do 11:00h.“

Član 3.

Ponude koje su dostavljene do prvobitnog roka za dostavu ponuda, će biti otvorene i iste će biti predmet pregleda i ocjene, nakon krajnjeg roka za dostavu ponuda.

Dokumentacija dostavljena u ponudama, koje su dostavljene do prvobitnog roka za dostavu ponuda, će u slučaju formalne ispravnosti, biti prihvaćena kao valjana.

Član 4.

Javni poziv za dostavu ponuda za ugovaranje bolničke zdravstvene zaštite za 2022. godinu, broj: 04-11-10-1406-13/21 – BA/ES od 09.12.2021. godine, u ostalim dijelovima ostaje nepromijenjen.




Član 5.

Ova Odluka će se objaviti na zvaničnoj internet stranici Zavoda zdravstvenog osiguranja Tuzlanskog kantona (www.zzotk.ba).

Član 6.

Ova Odluka stupa na snagu danom donošenja.



DIREKTOR

mr. Denis Husić, dipl. pravnik